

**ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ՏՐԱՆՍՊՈՐՏԱՅԻՆ ԾԱՌԱՅՈՒԹՅՈՒՆՆԵՐԻ  
ՄԱՏՈՒՑՄԱՆ ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ  
N ԴԱՀԿ-ԳՀԾՁԲ-17/1**

**ք. Երևան**

**«22» սեպտեմբերի 2017թ.**

**Հայաստանի Հանրապետության արդարադատության նախարարության ԴԱՀԿ ապահովող ծառայությունն**, ի դեմս՝ ՀՀ գլխավոր հարկադիր կատարող **Արմեն Հարությունյանի** (այսուհետ՝ Պատվիրատու), մի կողմից, և **<Էլիտբաս> ՍՊԸ**-ն, ի դեմս ընկերության տնօրեն **Գ. Նիկողոսյանի**, որը գործում է ընկերության կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

**1. ՊԱՅՄԱՆԱԳՐԻ ԱՌԱՐԿԱՆ**

1.1 Պատվիրատուն հանձնարարում է, իսկ Կատարողը ստանձնում է տրանսպորտային ծառայությունների մատուցման պարտավորությունը (այսուհետ՝ ծառայություն)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն.

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը.

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

**2.2 Պատվիրատուն պարտավոր է՝**

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

**2.3 Կատարողն իրավունք ունի՝**

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

**2.4 Կատարողը պարտավոր է՝**

\* լրացվում է հանձնաժողովի քարտուղարի կողմից՝ մինչև իրավերը գեղեկագրում հրապարակելը:

2.4.1 Պայմանագրի N 1 հավելվածով սահմանված պայմաններով ապահովել ծառայության մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

### 3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (**հավելված N 2.1**), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է [www.procurement.am](http://www.procurement.am) հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (**հավելված N 2**): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է [www.procurement.am](http://www.procurement.am) հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե մատուցված ծառայությունը համապատասխանում է պայմանագրի պայմաններին, Պատվիրատուն պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված **10 (տաս)** աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե մատուցված ծառայությունը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.4 Եթե պայմանագրի 3.2 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

### 4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի մատուցման ենթակա ծառայության **ամսական գինը կազմում է 3600000 (երեք միլիոն վեց հարյուր հազար) ՀՀ դրամ:**

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Մատուցած ծառայության դիմաց վճարումը կիրականացվի համապատասխան ֆինանսական միջոցներ նախատեսվելուց հետո, որի մասին Կողմերի միջև կկնքվի **լրացուցիչ համաձայնագիր**: Պատվիրատուն իրեն մատուցած ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ **լրացուցիչ համաձայնագրով** նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում լրացուցիչ համաձայնագրով նախատեսված

են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 20-ը:

#### 5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով<sup>1</sup>:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

#### 6. ԱՆՀԱՂԹԱՎԱՐԵԼԻ ՈՒԺԻ ԱԶԴԵՑՈՒԹՅՈՒՆ (\$ՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

#### 7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:<sup>2</sup>

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և

<sup>1</sup> Պայմանագիրը «Գնումների մասին» ՀՀ օրենքի 15-րդ հոդվածի 6-րդ կետի հիման վրա կնքված լինելու դեպքում տուգանքը հաշվարկվում է պայմանագրի գնի այն մասի նկատմամբ, որի համար տվյալ տարվա ընթացքում հարկացվել են ֆինանսական միջոցներ և կնքվել է համաձայնագիր:

<sup>2</sup> Պետական բյուջեի միջոցների հաշվին պարտավորություններ չառաջացնող գնումների դեպքում սույն նախադասությունը պայմանագրից հանվում է:

տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել ծառայության օգտագործման պահանջը: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

7.7 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից:

7.10 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.11 Սույն պայմանագիրը կազմված է 5 (հինգ) էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 2.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.12 Սույն պայմանագրի նկատմամբ կիրառվում է Հայաստանի Հանրապետության իրավունքը:

7.13 Պայմանագրով նախատեսված ծառայությունների մատուցումն իրականացվում է այդ նպատակով ֆինանսական միջոցների առկայության և դրա հիման վրա կողմերի միջև համապատասխան համաձայնագրի կնքման միջոցով: Պայմանագիրը լուծվում է, եթե այն կնքելու օրվան հաջորդող վեց ամսվա ընթացքում այդ

նպատակով պայմանագրի կատարման համար ֆինանսական միջոցներ չեն նախատեսվում: Ընդ որում, Կատարողը համաձայնագիրը կնքում և Պատվիրատուին ներկայացնում է համաձայնագիր կնքելու ծանուցումը ստանալու օրվանից տասնհինգ աշխատանքային օրվա ընթացքում: Հակառակ դեպքում պայմանագիրը Պատվիրատուի կողմից միակողմանիորեն լուծվում է:<sup>3</sup>

**8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ**

**Պ Ա Տ Վ Ի Ր Ա Տ ՈՒ**  
ՀՀ արդարադատության նախարարության  
ԴԱՀԿ ապահովող ծառայություն  
Ք. Երևան, Հալաբյան 41/ա  
ՀՀ ֆինանսների նախարարության  
գործառնական վարչություն  
Հ/Հ 900013288023  
ՀՎՀՀ 01223338

(ստորագրություն)



**Կ Ա Տ Ա Ր Ղ**  
<Էլիտբաս> ՍՊԸ  
ք. Երևան, Սայաթ-Նովա 19, Անի Պլազա  
բիզնես կենտրոն, 4 սենյակ  
Բանկ՝ <Հայբիզնեսբանկ> ՓԲԸ  
Հ/Հ՝ 1150010262810100  
ՀՎՀՀ՝ 01242623

(ստորագրություն)



<sup>3</sup> Սույն կետը հանվում է պայմանագրից, եթե պայմանագիրը չի կնքվում "Գնումների մասին" ՀՀ օրենքի 15-րդ հոդվածի 6-րդ մասի հիման վրա:

**Հավելված N 1**  
**« 22» սեպտեմբերի 2017թ. կնքված**  
**ԴԱՀԿ-ԳՀԾՁԲ-17/1 ծածկագրով պայմանագրի**

**ՏԵԽՆԻԿԱԿԱՆ ԲՆՈՒԹԱԳԻՐ - ԳԵՄԱՆ ԺԱՄԱՆԱԿԱՑՈՒՅՑ\***

«Ն» դրամ

| Ծառայության                          |   |   |                |   |                  |           |  |
|--------------------------------------|---|---|----------------|---|------------------|-----------|--|
| հրավերով նախատեսված չափաբաժնի համարը | գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV) | տեխնիկական բնութագիրը   | չափման միավորը | ընդհանուր գինը / Հ դրամ                                 | ընդհանուր քանակը | մատուցման |  |
|                                      |   |   |                |   |                  | հասցեն    | Նախընտրելի ժամկետը**   |
| 1                                    | 60131100/302  | <p>Ուղևորափոխադրման մասնագիտացված ՀՀ ԱՆ ԴԱՀԿ ապահովող ծառայության աշխատակիցներին բնակության վայրից ծառայության վայր /ք.Երևան Հալաբյան 41ա/ և ծառայության վայրից դեպի բնակության վայր փոխադրման ծառայություններ:</p> <p><b>Երթուղի 1. Երևան քաղաքի Նոր-Նորք, Ավան, Քանաքեռ-Զեյթուն, Արաբկիր և Աջափնյակ վարչական շրջաններից թվով 50 աշխատակիցների փոխադրում, մասնավորապես՝ Նոր-Նորքի 8-րդ զանգված-7-րդ զանգված-Դավիթ Բեկի փողոց-Բաղալ Մուրադյան փողոց-Գայի Պողոտա-Մարշալ Խուրյակով փողոց-Մարշալ Բաբաջանյան փողոց-Աճառյան փողոց-Ռուբինյանց փողոց-Դավիթ Անհաղթ փողոց-Կոմիտասի պողոտա-Կասյան փողոց-Կիկյան կամուրջ-Հալաբյան փողոց-Աբեյան փողոց-Ֆուչիկի փողոց /Հալաբյան 41 ա/:</b></p> <p>Հետադարձը նույն երթուղով: <b>Երթուղթու երկարությունը մեկ ուղղությամբ կազմում է 19 կմ:</b></p> <p>Ծառայությունները մատուցվում են ամեն օր բացառությամբ շաբաթ, կիրակի և տոնական օրերի, ժամային գրաֆիկը որոշվում է հաղթող կազմակերպության կողմից, հաշվի առնելով այն հանգամանքը, որ ծառայության աշխատանքային օրը սկսվում է ժամը 09:00-ից /առավոտյան ժամանումը դեպի ծառայության վայր ոչ ուշ քան 08:50/, իսկ աշխատանքային օրվա ավարտը ժամը 18:00-ն է:</p> | Դրամ           | 1500000 (մեկ միլիոն հինգ հարյուր հազար ՀՀ դրամ) ամսական | 1                | Ք. Երևան  | Ծառայությունները կմատուցվեն համապատասխան ժամանակահատվածի համար համապատասխան ֆինանսական միջոցներ նախատեսվելուց հետո, բայց ոչ ուշ քան 15.12.2018թ. |

ԲԵՏԻ «ՕՎԵՐՏԱՆ» ԿՏԻՑ

|   |                      |   |      |  |   |          |  |
|---|----------------------|---|------|--|---|----------|--|
| 2 | 601311<br>00/30<br>2 | <p>ՀՀ ԱՆ ԴԱՀԿ ապահովող ծառայության աշխատակիցներին բնակության վայրից ծառայության վայր /ք.Երևան Հալաբյան 41ա/ և ծառայության վայրից դեպի բնակության վայր փոխադրման ծառայություններ:</p> <p><b>Երթուղի 2.</b> Երևան քաղաքի <b>Կենտրոն, Շենգավիթ, Մալաթիա-Սեբաստիա և Աջափնյակ վարչական շրջաններից</b> թվով 40 աշխատակիցների փոխադրում, մասնավորապես՝ Արշակունյաց պողոտա /Տիգրան Մեծ հրատարակչություն/-Արշակունյաց պողոտա-Աշխատանքի հրապարակ /Նախկին բանվորի արձան/-Բագրատունյաց փողոց-Իսակովի պողոտա-Առնո Բաբաջանյան փողոց-Րաֆֆու փողոց-Սեբաստիա փողոց-Ջանիբեկյան փողոց-Արեւյան փողոց-Ֆուչիկի փողոց /Հալաբյան 41ա/: <b>Երթուղթու երկարությունը մեկ ուղղությամբ կազմում է 22 կմ:</b></p> <p>Ծառայությունները մատուցվում են ամեն օր բացառությամբ շաբաթ, կիրակի և տոնական օրերի, ժամային գրաֆիկը որոշվում է հաղթող կազմակերպության կողմից, հաշվի առնելով այն հանգամանքը, որ ծառայության աշխատանքային օրը սկսվում է ժամը 09:00-ից /առավոտյան ժամանումը դեպի ծառայության վայր ոչ ուշ քան 08:50/, իսկ աշխատանքային օրվա ավարտը ժամը 18:00-ն է:</p> | դրամ | 1200000 (մեկ միլիոն երկու հարյուր հազար ՀՀ դրամ) ամսական | 1 | Ք. Երևան | Ծառայությունները կմատուցվեն համապատասխան ժամանակահատվածի համար համապատասխան ֆինանսական միջոցներ նախատեսվելուց հետո, բայց ոչ ուշ քան 15.12.2018թ. |
|---|----------------------|---|------|--|---|----------|--|

ՀՀ ԱՆ ԴԱՀԿ

|   |                      |   |      |  |   |          |  |
|---|----------------------|---|------|--|---|----------|--|
| 3 | 601311<br>00/30<br>2 | <p>« ԱՆ ԴԱՀԿ ապահովող ծառայության աշխատակիցներին բնակության վայրից ծառայության վայր /ք.Երևան Հալաբյան 41ա/ և ծառայության վայրից դեպի բնակության վայր փոխադրման ծառայություններ:</p> <p><b>Երթուղի 3. Երևան քաղաքի Էրեբունի, Կենտրոն, Արաբկիր, Դավթաշեն և Աջափնյակ վարչական շրջաններից թվով 30 աշխատակիցների</b> փոխադրում, մասնավորապես՝ Էրեբունի թանգարան-Էրեբունի փողոց-Արցախի փողոց-Տիգրան Մեծ պողոտա-Հանրապետության հրապարակ-Նալբանդյան փողոց-Սայաթ-Նովա պողոտա-Բաղրամյան փողոց-Հրայր Քոչար փողոց-Վաղարշյան փողոց-Դավթաշենի կամուրջ-Եղվարդի խճուղի-Տիգրան Պետրոսյան փողոց-Իոսիֆյան փողոց-Հալաբյան փողոց /Հալաբյան 41ա/: <b>Երթուղու երկարությունը մեկ ուղղությամբ կազմում է 22 կմ:</b></p> <p>Ծառայությունները մատուցվում են ամեն օր բացառությամբ շաբաթ, կիրակի և տոնական օրերի, ժամային գրաֆիկը որոշվում է հաղթող կազմակերպության կողմից, հաշվի առնելով այն հանգամանքը, որ ծառայության աշխատանքային օրը սկսվում է ժամը 09:00-ից /առավոտյան ժամանումը դեպի ծառայության վայր ոչ ուշ քան 08:50/, իսկ աշխատանքային օրվա ավարտը ժամը 18:00-ն է:</p> | դրամ | 900000 (ինը հարյուր հազար ՀՀ դրամ) ամսական | 1 | Ք. Երևան | Ծառայությունները կմատուցվեն համապատասխան ժամանակահատվածի համար համապատասխան ֆինանսական միջոցներ նախատեսվելուց հետո, բայց ոչ ուշ քան 15.12.2018թ. |
|---|----------------------|---|------|--|---|----------|--|

**\*Պարտադիր պայման՝**

- Ընդհանուր օգտագործման ուղևորատար ավտոմոբիլային տրանսպորտով կանոնավոր փոխադրումների արտոնագիր /լիցենզիա/
- Կազմակերպության կամ անհատ ձեռնարկատիրոջ պետական գրանցման վկայական
- Տրանսպորտային միջոցի տեխնիկական անձնագրեր /գրանցման վկայագրեր/
- Տրանսպորտային միջոցներին ամրակցված վարորդների՝ վարորդական իրավունքի վկայականներ /D/ կետ, աշխատանքային փորձն հավաստող փաստաթղթեր, սահմանված կարգով բժշկական հանձնաժողովի կողմից տրված առողջական վիճակի մասին տեղեկանք:
- Տրանսպորտային միջոցները տեխնիկական անձնագրով սահմանված կարգից այլ տեսակի վառելիքով շահագործելու համար /վերասարքավորելու կահավորելու դեպքում/ շահագործման և վերասարքավորման օրինականությունը հաստատող փաստաթուղթ:
- Տրանսպորտային միջոցները պետք է արտադրված լինեն ոչ շուտ քան 31.12.2002 թվականը:
- Տրանսպորտային միջոցները կահավորված լինեն հարմարավետ, փափուկ /նստատեղը և հենակը/ նստարաններով, սահմանված կարգով անցած լինեն տեխնիկական զննում, լինեն տեխնիկապես սարքին, մաքուր և արտաքնապես լավ վիճակում: Կահավորված լինեն բոլոր անհրաժեշտ սարքերով /օդափոխիչ, ինչպես նաև ձմեռային ամիսներին ջեռուցման համապատասխան համակարգ, լուսավորություն, դեղարկո/ և այլն:
- Հաղթող կազմակերպությունը պետք է ապահովի տրանսպորտային միջոցի սեզոնային սպասարկումը /ամառային-ձմեռային անվաղողեր, վառելիքաքսուկային նյութեր/, երթի ժամանակ տրանսպորտային միջոցի խափանման դեպքում առավելագույնը 1 /մեկ/ ժամում պետք է ապահովվի փոխարինող տրանսպորտային միջոցով:
- Վարորդը պետք է լինի կոկիկ հագնված և ապահովի տրանսպորտային միջոցի մաքրությունը /սանհիգիենիկ վիճակ/:

ՀՀ ԱԿՏԻ ՎԵՐԱԿՈՆԿՐԱԿՆԵՐԻ ԿԵՆՏՐՈՆ

- Ներկայացվող գնային առաջարկում պետք է հաշվարկված լինեն բոլոր անհրաժեշտ ծախսերը կապված տրանսպորտային միջոցի սպասարկման, տեխնիկական զննան և ապահովագրության հետ:

- Յուրաքանչյուր երթուղին պետք է ապահովվի երթուղով նախատեսված մարդ-հաշվարկ նստատեղերով մեկ միավոր տրանսպորտային միջոցով:

\* ծառայության մատուցման վերջնաժամկետը չի կարող ավել լինել, քան փվյալ տարվա դեկտեմբերի 15-ը:

\*\* Եթե պայմանագիրը կնքվում է "Գնումների մասին" ՀՀ օրենքի 15-րդ հոդվածի 6-րդ մասի հիման վրա, ապա սյունակում ժամկետի հաշվարկն իրականացվում է ֆինանսական միջոցներ նախատեսվելու դեպքում կողմերի միջև կնքվող համաձայնագրի ուժի մեջ մտնելու օրվանից սկսած:

**Պ Ա Տ Վ Ի Ր Ա Տ ՈՒ**

**ՀՀ արդարադատության նախարարության**

**ԴԱՀԿ ապահովող ծառայություն**

**Ք. Երևան, Հալաբյան 41/ա**

**ՀՀ ֆինանսների նախարարության**

**գործառնական վարչություն**

**Հ/Հ 900013288023**

**ՀՎՀՀ 01223338**



**Կ Ա Տ Ա Ր Ո Ղ**

**<Էլիտբաս> ՍՊԸ**

**ք. Երևան, Սայաթ-Նովա 19, Անի Պլազա**

**բիզնես կենտրոն, 4 սենյակ**

**Բանկ՝ <Հայբիզնեսբանկ> ՓԲԸ**

**Հ/Հ՝ 1150010262810100**

**ՀՎՀՀ՝ 01242623**



**Հավելված N 2**  
**« 22» սեպտեմբերի 2017թ. կնքված**  
**ԴԱՀԿ-ԳՀԾՁԲ-17/1 ծածկագրով պայմանագրի**

**Պայմանագրի կողմ**

\_\_\_\_\_

գտնվելու վայրը \_\_\_\_\_

հհ \_\_\_\_\_

\_\_\_\_\_

հվհհ \_\_\_\_\_

**Պատվիրատու**

\_\_\_\_\_

գտնվելու վայրը \_\_\_\_\_

հհ \_\_\_\_\_

\_\_\_\_\_

հվհհ \_\_\_\_\_

**ԱՐՁԱՆԱԳՐՈՒԹՅՈՒՆ N**  
**ՊԱՅՄԱՆԱԳՐԻ ԿԱՍ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ**  
**ՀԱՆՁՆԱՆ-ԸՆԴՈՒՆՄԱՆ**

«    » «    »    » 20 թ.

Պայմանագրի /այսուհետ՝ Պայմանագիր/ անվանումը՝ \_\_\_\_\_

Պայմանագրի կնքման ամսաթիվը՝ «    » «    » 20 թ.

Պայմանագրի համարը՝ \_\_\_\_\_

Պատվիրատուն՝ ի դեմս \_\_\_\_\_ և

Պայմանագրի կողմը՝ ի դեմս \_\_\_\_\_, հիմք ընդունելով Պայմանագրի կատարման վերաբերյալ «    » «    » 20 թ. կազմված՝ գնման հայտը նախագծած ներկայացուցչի N եզրակացությունն այն մասին, որ Պայմանագրով նախատեսված՝ ստորև նշված ծառայությունները համապատասխանում են Պայմանագրով ամրագրված տեխնիկական բնութագրերին և գնման ժամանակացույցին՝ կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատուցել է հետևյալ ծառայությունները՝

| N | Մատուցված ծառայությունների |   |  |         |  |         |                                     |   |
|---|----------------------------|---|--|---------|--|---------|-------------------------------------|---|
|   | անվանումը                  | տեխնիկական բնութագրի համառոտ շարադրանքը | քանակական ցուցանիշը                            |         | կատարման ժամկետը                               |         | Վճարման ենթակա գումարը /հազար դրամ/ | Վճարման ժամկետը /ըստ վճարման ժամանակացույցի / |
|   |                            |   | ըստ պայմանագրով հաստատված գնման ժամանակացույցի | փաստացի | ըստ պայմանագրով հաստատված գնման ժամանակացույցի | փաստացի |                                     |   |
|   |                            |   |  |         |  |         |                                     |   |
|   |                            |   |  |         |  |         |                                     |   |
|   |                            |   |  |         |  |         |                                     |   |

Վերոհիշյալ ծառայությունների մատուցման վերաբերյալ բոլոր հաշիվ-ապրանքագրերը հանդիսանում են սույն արձանագրության բաղկացուցիչ մասը և կցվում են:

**Ծառայությունը հանձնեց**

\_\_\_\_\_

ստորագրություն

\_\_\_\_\_

ազգանուն, անուն

**Կ.Տ.**

**Ծառայությունն ընդունեց**

\_\_\_\_\_

ստորագրություն

\_\_\_\_\_

ազգանուն, անուն

**Կ.Տ.**

**Հավելված N 2.1**  
**« 22» սեպտեմբերի 2017թ. կնքված**  
**ԴԱՀԿ-ԳՀԾՁԲ-17/1 ծածկագրով պայմանագրի**

ԱԿՏ N  
 պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ \_\_\_\_\_-ի (այսուհետ՝ Պատվիրատու) և \_\_\_\_\_-ի  
Պատվիրատուի անունը Կատարողի անունը  
 (այսուհետ՝ Կատարող) միջև 20 թ. \_\_\_\_\_-ին կնքված N \_\_\_\_\_  
պայմանագրի կնքման ամսաթիվը պայմանագրի համարը  
 գնման պայմանագրի շրջանակներում Կատարողը 20 թ. \_\_\_\_\_-ին հանձնման-ընդունման  
 նպատակով Պատվիրատուին հանձնեց ստորև նշված ծառայությունները.

| Ծառայության |                |                     |
|-------------|----------------|---------------------|
| անվանումը   | չափման միավորը | քանակը<br>(փաստացի) |
|             |                |                     |
|             |                |                     |

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

**ԿՈՂՄԵՐԸ**

**Հանձնեց**

\_\_\_\_\_  
 ազգանուն, անուն  
 \_\_\_\_\_  
 ստորագրություն

**Ընդունեց**

հայտը նախագծած ներկայացուցիչ՝

\_\_\_\_\_  
 ազգանուն, անուն  
 \_\_\_\_\_  
 ստորագրություն

ՏՈՒԺԱՆՔԻ ՄԱՍԻՆ ՀԱՄԱՁԱՅՆԱԳԻՐ ԴԱՀԿ-ԳՀԾՁԲ-17/1  
(պայմանագրի կատարման ապահովում)

ք. Երևան

«22» սեպտեմբերի 2017թ.\*\*

**<Էլիտրաս> ՍՊԸ**-ն ի դեմս Ընկերության տնօրեն **Գ.Նիկողոսյանի**, որը գործում է Ընկերության կանոնադրության հիման վրա՝ (այսուհետև՝ Ընկերություն), սույնով միակողմանի սահմանում է հետևյալ տուժանքի վճարման համաձայնությունը.

**1. Համաձայնության առարկան**

1.1 Ընկերությունը մասնակցում է **« արդարադատության նախարարության ԴԱՀԿ ապահովող ծառայության\*»** (այսուհետև՝ Պատվիրատու) կողմից կազմակերպված **ԴԱՀԿ-ԳՀԾՁԲ-17/1\*** ծածկագրով գնման ընթացակարգին:

1.2 Որպես գնման ընթացակարգի արդյունքում կնքվելիք պայմանագրի կատարման ապահովում, Ընկերությունը Պատվիրատուին է ներկայացնում սույն տուժանքի համաձայնագիրը և կից վճարման պահանջագիրը՝ լրացված և հաստատված Ընկերության կողմից՝ համաձայն « Կենտրոնական բանկի հաստատած՝ «Վճարահաշվարկային գործառնությունների կատարման ժամանակ կիրառվող փաստաթղթերի նվազագույն վավերապայմանների և դրանց լրացման կանոնների»>:

1.3 Ընկերության կողմից գնման ընթացակարգի արդյունքում կնքված պայմանագիրը չկատարելու կամ ոչ պատշաճ կատարելու դեպքում Պատվիրատուն սույն տուժանքի համաձայնագիրը և կից վճարման պահանջագիրը (այսուհետև՝ պայմանագրի կատարման ապահովման վճարման պահանջագիր) ներկայացնում է Ընկերությանը սպասարկող բանկին (այսուհետև՝ Բանկ)՝ այդ մասին գրավոր տեղեկացնելով Ընկերությանը:

1.4 Բանկը պայմանագրի կատարման ապահովման վճարման պահանջագիրը ընդունում է կատարման՝ Պատվիրատուի կողմից սույն տուժանքի համաձայնագրի և գնման ընթացակարգի արդյունքում կնքված պայմանագրի չկատարման կամ ոչ պատշաճ կատարման փաստը հաստատող փաստաթղթի բնօրինակները, որոնք նշվում են պայմանագրի կատարման ապահովման վճարման պահանջագրում, Բանկին տրամադրվելու դեպքում:

1.5 Պայմանագրի կատարման ապահովման վճարման պահանջագրում նշված գումարի վճարման հետևանքով առաջացած ռիսկերի (Ընկերության կրած վնասների) համար Բանկը պատասխանատվություն չի կրում:

1.6 Սույն համաձայնագիրը և կից պայմանագրի կատարման ապահովման վճարման պահանջագիրը Բանկ ներկայացնելուց հետո, Բանկից անկախ պատճառներով, տասն աշխատանքային օրվա ընթացքում Պատվիրատուին գումարը չվճարվելու դեպքում, Պատվիրատուն չվճարման հետ կապված Ընկերության մասին տեղեկությունները փոխանցում է «ԱՔՈԱ Քրեդիթ Ռեփորթինգ» ՓԲԸ (Վարկային բյուրո):

**2. Այլ պայմաններ**

2.1 Սույն համաձայնագիրը ուժի մեջ է մտնում Ընկերության կողմից վավերացման պահից և վավեր է Ընկերության կողմից կնքվելիք պայմանագրով ստանձնվող պարտավորությունները ողջ ծավալով կատարելու վերջին օրվան հաջորդող 10-րդ աշխատանքային օրը ներառյալ:

2.2 Սույն Համաձայնագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

**3. Ընկերության հասցեն, բանկային վավերապայմանները՝**

**<Էլիտրաս> ՍՊԸ**

**ք. Երևան, Սայաթ-Նովա 19, Անի Պլազա բիզնես կենտրոն, 4 սենյակ**

**Բանկ՝ <Հայբիզնեսբանկ> ՓԲԸ**

**Հ/Հ՝ 1150010262810100**

**ՀՎՀՀ՝ 01242623**



Ընկերության տնօրենի անունի, ապահովող և ստորագրությունը

Կ.Տ

\* լրացվում է հանձնաժողովի քարտուղարի կողմից՝ մինչև հրավերը տեղեկագրում հրապարակելը:

\*\* լրացվում է մասնակցի կողմից

|   |   |
|---|---|
| 1. <b>ՎՃԱՐՄԱՆ ՊԱՀԱՆՋԱԳԻՐ<sup>4</sup> N ԴԱՀԿ-ԳՀԾՁԲ-17/1</b><br>(պայմանագրի կադարման ապահովում)                       |   |
| 2. Ներկայացման ամսաթիվը՝ "___" ___ 20___թ.  |   |
| 3. Ընկերություն (այսուհետ՝ վճարող)՝ <b>&lt;Էլիտբաս&gt; ՍՊԸ</b>  |   |
| 4. Վճարողի բանկը՝ <b>&lt;Հայբիզնեսբանկ&gt; ՓԲԸ</b>  |   |
| 5. Վճարողի հաշվի համարը՝ <b>1150010262810100</b>  |   |
| 6. Վճարողի ՀՎՀՀ՝ <b>01242623</b>  |   |
| 7. Վճարողի ՀԾՀ՝   |   |
| 8. Շահառու՝ <b>ՀՀ արդարադատության նախարարության ԴԱՀԿ ապահովող ծառայություն</b>                                      |   |
| 9. Շահառուի ՀՎՀՀ՝ <b>01223338</b>   |   |
| 10. Շահառուի բանկը՝ <b>Կենտրոնական Գանձապետարան</b>   |   |
| 11. Շահառուի հաշվի համարը /հշ. N/ <b>900005000758</b>   |   |
| 12. Գումարը թվերով և բառերով՝ <b>360000 (երեք հարյուր վաթսուն հազար)</b>  |   |
| 13. Արժույթը (բառերով և կոդով)՝ <b>ՀՀ դրամ, AMD</b>   |   |
| 14. Գործարքի /վճարման/ նպատակը՝ թիվ <b>ԴԱՀԿ-ԳՀԾՁԲ-17/1</b> պայմանագրի ապահովում                                     |   |
| 15. Պայմանագրի ծածկագիրը՝ <b>ԴԱՀԿ-ԳՀԾՁԲ-17/1</b>  |   |
| 16. Փաստաթղթերի անվանումը, դրանց համարները, տրամադրման պայմանը  |   |
| 17. կից՝--- էջ  |   |
| 19.ա. Շահառուի ստորագրությունները<br><br>/_____<br><br>/_____<br><br>19.բ. Կ.Տ.                                     | 18.ա. Վճարողի ստորագրությունները<br><br>/_____<br><br>/_____<br><br>18.բ. Կ.Տ.  |
| Կատարված է շահառուի բանկի կողմից<br>20.ա. /_____<br><br>/ստորագրություն/<br><br>20.բ. Կ.Տ.<br><br>"___" ___ 20___թ. | Կատարված է վճարողի բանկի կողմից<br>21.ա. /_____<br><br>/ստորագրություն/<br><br>21.բ. Կ.Տ.<br><br>22. Կատարման ամսաթիվը՝ "___" ___ 20___թ. |



<sup>4</sup> Վճարման պահանջագիրը լրացվում է համաձայն սույն հրավերով սահմանված «Վճարման պահանջագրի պարտադիր վավերապայմանների և լրացման կարգի»: